

牧

齋

初

學

集

牧齋初學集卷第七

崇禎詩集三

起二年己巳盡五月

贈書

年年謫宦東書頻
部帙纏綻卷未勻
不惜累人行汗馬
可憐隨我作勞薪
朱黃點勘須完好
籤軸裝潢要簇新
重去與名山作盟約
莫令更平汚傳車塵

贈硯

紫純端硯鎮書樓
牛後真令龍尾羞
潦倒可憐書牘背
光華還憶草詞頭
摩娑便欲看雲起
砥

礪猶能爲玉謀更有淳熙九經在歸裝已足又
何求

余有宋刻九經俞石闢家物王濟之題其後紫純王硯閩人宋珏所遺也

代書硯荅

桂檳縹囊託後車相將依舊返蓬廬但看包裹
端溪硯不見增添祕閣書退筆冢中悲力盡短
檠牆角歎交疎與君莫負殘年約共理雕蟲伴
蠹魚

答書硯

遺經古硯舊相於襍被蕭條載滿車老去論交
惟二友歸來削跡共三餘晴窓洗胃還吞墨永

日擰腸欲煮書簾閣悄然私自問蓬山西室又
何如

飲酒七首

昔與范郎飲班荆剪葵韭

天啓辛酉過吳橋飲酒范質公齋中質公

時爲吏部郎

家醞清且甘汪汪焰尊卣

深談復淺酌

日景移卯酉別後長相憶此酒似我友去年遺

我書勸我勿淹久百壺聖之清提攜僕馬首開

函讀未終流涎掛饑口炎風衝傳車紅塵咽堤

柳我行良愁悠悠我意君知否頻年向西笑半爲

郎中酒

其二

閒閒桑者園在彼官道旁

桑園在德州東界
爲范質公別業
裏

柳疎屋宇落帆到門牆主人閒酒甕延我坐草堂酒面如故人別久色微蒼停杯相顧視斟酌彌芬芳別君三年來世故難忖量市朝塵屢生滄海波再飈豈知尊中物猶能保故嘗驛馬鳴路岐斜日炤西廊珍重故人酒且復盡一觴

其三

長安多美酒酒人食其名酒旗蔽馳道車轂相摩爭刁酒非洺水味薄斟如餳易酒釀天壇市

沽安得清魏酒稍芬芳勁正乖典刑我性好別
酒齒舌判渭涇對此寧不飲枯腸任雷鳴飲酒
但霑醉真贗皆虛聲清濁比賢愚分別徒營營
與君取次醉酩酊共一觥此言當杜舉聊用勦
酒城

其四

羊羔產汾州葡萄釀安邑刁賈主人名桑落應
候出一一走京華種種煩置驛肩荷慮顛躡車
馳或汎溢抱攜如懷繡登頓敢奔汨一夫致一
罌一石數金直愛惜闋馨香收藏辟風日封題

復再拜輦輸權貴室貴人多不省累置似搏埴
寂寥揚子雲扶疎守玄默徒然頌鷗夷耆酒何
繇得

其五

世多愛官者不復知酒旨亦有愛酒者不暇計
官美愛酒令人狂愛官令人鄙腸爛飲不休漏
盡宦不止耆酒與貪官皆可令人死我本愛官
人侍郎不爲庫我亦愛酒人致酒每盈几年
命大繆官罷酒亦恥長嘯謝都門斯可以去矣

其六

送郭中書赴督師袁公幕

昂昂千里馬不合駕鼓車丈夫九尺身豈肯隨
朱儒郭生倣儻人側足承明廬譬如雞羣鶴戢
翼不得舒一朝請論事慷慨陳兵符願如漢卜
式接踵死匈奴天子賜顏色羣公咸歎歎近
臣寄邊瑣此例今所無我從罷官來不見關門
書屈指五年期今又一歲初袁公於上前抗論滅奴以五年爲期

聞君赴嚴程出祖臨交衢慙無繞朝贈控馬
進一壺分張何所道逝將歸里間因風問袁公
匡復定何如

鷓鴣

鷄鷄人憐汝雕籠豢養成翠衿矜妙麗紅觜鬪聰明側近偷言語憑高沈檻楹君何憂反舌時過寂無聲

鵲巢行

樹上老鴉羣作惡奪我鵲巢反啄鵲鵲羣苦少鴉苦多冬架春成枉作窠擗將我巢爲汝室啞啞聒耳聽不得蒼然一鵠號鷺鳥左翎撩風右掠草眼看鵲弱與鴉強何忍盤回坐樹旁君不見鷁兮鷁兮善擇木浮圖有穴崖有屋鴉羣自

笑鵲自哭 注目寒空且攫肉

題郭無傷所藏朱鷺畫竹是余往年所贈
頭白蕭郎畫竹聞數莖蕭颯坐生雲霜筠雪幹
還如我障日成陰卻擬君

其二

畫裏蕭蕭竹數竿晴窓亦解報平安年來小劫
如風雨賴有長身共歲寒

寒食

客舍蕭蕭寄病身落花寂寂度佳晨忽聞寒食
爲今日始覺風光已暮春名酒盡難禁獨夜好

鶯啼不趁愁人吾生從道渾如夢是夢何須太
苦辛

寒食後一日作

寒食淒涼作去不成春光取次又清明孤臣氣
味愁鑽火故國心情記賣餳苦恨落花隨柳絮
謾勞啼鶲替鶯聲東風誰唱吳娘曲暮雨蕭蕭
閭禁城

無花

客裏無花獨倚樓討春無計恨悠悠無花亦有
便宜處省却花飛一段愁

贈博平郭太保

蘭錡三朝一敝裘濯龍門外看車流風憲自咏
游仙句金穴誰論特進侯客到異書繙帳底花

開禊帖在牀頭

蕭翼賺蘭亭寺門桃李盡放郭家藏定武禊帖故云

他時

國史編家集定與聯珠一部收

本朝郭忠武公有郭氏聯珠集

送于鏘秀才南歸

木星入斗霾且霽疾雷震電當嚴冬孤臣東身
待譴逐攢頭縮頸如寒蟲飯甌累門斷人跡誰
訶匝戶勢浩沟于子襆被就我宿掉臂徑突重
圍中朔風褰簾霜著壁油燈無燄光曇曠布衾

凝木寒不寐
骭背依倚
彎角弓訓狐
號屋鼠齧器
夢魘驚覺杵
撞罿更闌漏
盡坐相慰軟語
唧疑吟蛩有時
激昂撫枕席
蹴我起聽蕉樓鐘
誓將排雲叫
閭閻寄牋苦恨飛廉情嗟子長身
秀眉目輪囷
肝膽誰與同
我歌汝和良足樂
冰天雪窖春融融
春來幾何忽已老
楊花如雪飛城東
愛而思子苦不見
三月新婦關房櫳
一朝扣門聲剥啄
策蹇揖我歸匆匆
我身正坐不得去
別子目斷南飛鴻
子歸解裝正初夏
棟花風過榴花紅
故人見子應歎息
訊我顏狀悲途窮

我生有命可自斷世事豈異馬耳風黃閣知爲
何老子白首仍是舊阿儂梵川綠淨不可唾金
壇酒碧炤觥空五噫未遂吳市隱十賚行割華
陽封因風寄語勿惆悵料理家釀遲醉翁

左耳病戲作十二韻

歎世侵尋似鹿皮聾雖半耳已如癡盈尊社酒
憑誰餉決牖仙方久不窺但遇一呼仍響應若
聆偶語却叅差僅便主贖誇脾健婢諫醫庸諱
腎衰強飲屬垣還側耳纔看拋枕又支頤史稱
偏聽應如是人說佯聾或近之憎老懶令嬌女

剔怯狂畏與醉翁持八音未許諳全部兩造祇

能割半詞洞裏乖龍眠正穩

韓詩煩陽洞直割乖龍自入華

來牀頭鬪蟻動還疑耄呼賢吏猶多媿

傳黃霸用

事歸作家公漸有期空箇音聞旋恍忽兜玄夢

斷轉迷離不須獻馘從軍法好證圓通問道師

鄭注馘所格者之左耳

冷飲示侍兒

花前宜試樂天杯冷飲東垣未可咍笑殺家翁

買燕女錯將溫酒當行媒

家茲翁事見周公謹小說

奉酬山海督師袁公兼喜闢內道梁君廷

棟將赴關門二首

臨渝今是國儲胥

山海古臨渝地
俗稱榆關誤也

鎖鑰東門萬

革車匡坐油幢

臨虜使橫磨墨看草郵書鶯啼

大纛連營靜月出雄關

列竈虛臺晚師中得染

懂得遼長策爲君據

其二

貲酒論兵儀直餘青燈賓從儀前除掃犁羨爾

謀方老表餌慙吾術已疎甲第金鋪魚鑰管景

鐘鐵索鴈行書白山好勒磨厓頌襄晚何因借

後車

袁自謂五年滅奴頗以講
欵爲秘計故有託諷之言

口占贈林將軍

喬椿晉江人

超距身輕三百音
陌前飛刀法自尤夷傳血漂樓
櫓如平地土拭干將更屬天
又嘗下獄林長于水戰魏絳
歌鐘懸虞考衛青侯券空去名鑄頗聞聖主
恩收復親式羣蛙風九邊

次房海客韻送劉起歸宣城

起與湯祭酒有別名酒沒

始還故里故詩有解釋之語

冤親場內好參禪鑽火應知定出煙已分此生
離虎口何須知已付龍泉杯蛇辨後休除病嬰
蛻消時莫問天執手送君成一笑磨驢何日了

前緣

追和朽庵和尚樂歸田園十咏

有序

正德閒朝士有以郎官罷歸者高僧朽庵林公以淵明歸去來兮辭爲題賦樂歸田園十咏送之崇禎二年余匏繫都門客有以朽庵遺筆見贈者開卷吟諷喟然三歎遂援筆伸紙追而和之昔蘇子瞻居海南偏和陶詩子繇序而傳之余何敢竊比子瞻顧如子繇之言所謂欲以晚節末路師範淵明之萬一者其志趣不可謂不同也然子瞻實追和淵明而余之所和者朽庵

而已世之君子其尚恕余之僭踰或亦因是而
知朽庵也夫是年四月十八日

歸去來兮至覺今是而昨非 次韻

久在樊籠始見幾高人只是急流歸畏榮未必
知吾意忤物何妨與世違戢羽豈容尋往跡懸
車自令斂餘輝却嫌此老還多事形影神中辯
是非

朽庵宗林詩宦海漂流早見幾故園荒廢正
思歸住迷來悟心方樂投老尋閑願不違新
別廟堂無悵恨舊栽松菊有光輝池魚羈鳥

還淵藪童子何勞講是非

附見七首

舟搖搖以輕颺風飄飄而吹衣

用韻

少日成惆悵行迷喜得歸鶴應知我返鷗亦傍人飛白水浮孤棹青山見素衣飄搖謝塵網昔夢但依俙

問征夫以前路恨晨光之熹微

用韻

平陸成江悵我情濛濛時雨逗初晴征夫指點晨光好還向柴桑一路明

、欲知歸去好前程每對征夫問一聲茅屋幾家門尚掩茫茫天地未分明

乃瞻衡宇至有酒盈尊 次韻

僅稚憲我歸舒鴈却前望眼明記舊宇身閑去宿恙看松繞荒徑采菊泛新釀英英南山雲庶與我心况

引壺觴以自酌至審容膝之易安 用韻
壺酒庭柯徙倚看南窓也似比窓寬人生何限
遑遑者兩膝隨身沒處安

園日涉以成趣門雖設而嘗關 次韻

羣輔錄中看世代周王傳裏見乾坤此翁枯稿
君知否容易人間說閉門

梨栗詩書責子孫
菊松瓜菜樂乾坤
養高不受重來詔
誰敢閒敲處士門

策扶老以流憩至撫孤松而盤桓 次韻

拂拭塵中眼舒眉飽看山山將人竝憇杖與我俱
闋入景戀遲暮孤松欣往還出雲并倦鳥幽意總相關

扶老手携杖觀幽眼見山歸林飛鳥倦出岫
斷雲閉松下尋詩去谿邊載酒還昔年車馬路
今日沒相關

歸去來兮至樂琴書以銷憂 次韻

世人似鼠競寰數陶家老翁悟已久官中束帶
肯折腰山寺聞鐘卻回首南邱何事更東林種
蓮豈必殊垂柳親朋情話聊解顏琴書流覽總
敝帚藍輿醉臥人不知扣門乞食我何有我生
粹兀略相似玉堂今作扶犁手和詩敢劖儋耳
翁感懷竊比朽庵空歸來築室祀靖節左白右
蘇配以偶故山松菊當蘋藻薦彼清琴侑濁酒
農人告余以春及至曷不委心任去留

大韻

筠篠崎嶇意舟車丘壑閒泉流榮木下春入老

農顏萬物誰非寓吾生會有還達大亦同盡贏得去留閑

聞得農夫說春回試試閒舟車無枉跡草木
有榮顏尋壑穿雲去經丘踏月還百年能幾
日寧不放心閑

胡爲乎遑遑欲何之至樂夫天命復奚疑

次韻

人生如教射一發貴善息陶潛避俗翁枯槁非
本色措哉時不偶橫流汜邦域雄効在室中光
芒闕凌逼洗滌資禪心抹撥仗酒力酒醉咏荆

軻深情自茲得耘耔盡能事嘯歌見天則醉來
恕繆誤聊用齊淑慝仕晉誠苦饑逃宋懼弗克
乘化游縱浪樂盡付冥默能潛乃龍性可諫匪
鳳德餘事作詩人遺名隸酒國我和朽庵詩游
戲并筆墨悠悠千載後會有高人識

得許同生書寄示擬歸去來兮辭

歸兮賦就喜投閒灑酒巾將換紫綸人笑鋗無
淮上米天教眼看淵西山一生刺襪嘗翻著萬
事騎驢却倒還未敢援毫輕屬和正愁陶令滿

人闌

王元之自翰林謫官賦廣陵僧舍芍藥有
感傷綸閣多情客之語余屏居寂寞戚里
以芍藥見遺誦元之詩適對此花感而繼
作詩凡三章亦如元之數

盤籠紅藥出天家寂寞銅瓶幾朵花承日有誰
擅翠袖當風還自怯黃沙紅芳炤眼驚春盡金
縷緣頭惱鬢華五味爲君思齊和敢將零落怨
天涯

其二

紅燈焰焰覆茅茨卻炤春衫黯自疑曾是芳菲

依上直可憐攀折贈將離綸闡舊侶蒼苔在僧

舍新愁白髮知漫道謝公詩句好翻階先咏萬

年枝

元之詩序云紅藥當皆翻自後詞臣引爲故事

其三

五侯簾幕競萎蕤驛騎殷勤寄贈時夜燭去醉

紅豔隊春風來乞曉粧詩雕蘭墮珥韞新賞金

屋餘香認舊枝莫怪宮袍長放逐君王不要賞

花辭

牡丹初號木芍藥蓋本同而末異也太白雖賦牡丹亦假借得使

寄題泰和蕭伯玉春浮園十四咏

柳溪

煙著層層柳雲生面面溪欲尋垂釣處咫尺使人迷

公安亭

亭
樟
樹
下

嘉樹閣元宋芳名有譽處嗟彼雕朽質吾亦宥老楮

金粟堂

禪罷月當戶酒醒香滿空寥寥桂花意榮落任秋風

芙蓉池

蓮葉何田田花香蕩疏綺惆悵採蓮人歌聲隔

秋水

憇娟逕

亭亭千箇竹凜凜歲寒姿
要見憇娟質秋風粉落時

杯山

山如一酒杯湖水嘗灌注我好杯中物還乘此
杯渡

聽鶯弄

弱柳依趺坐晴湖苔梵聲道人曾破戒把酒聽
啼鶯

宜月橋

風月新秋夜江山清露中吹簫更度曲多此在
橋東

宿雲墩

墩深雲所歸雲去墩仍在却疑此非墩亦是雲
變態

愚山

江聲噭山腰帆影掛樹杪只疑船舷上欲憂山
頭草

浮山

浮山山下水盡帶梅花馥似憐梅清寒十里賜
湯沐

秋聲閣

東風看酒汜落葉使人悲不是悲秋士秋聲那
得知

蕭齋

蕭辰坐蕭齋縱筆作蕭字他年改精藍亦應號

蕭寺

鳴閣

汎汎水中鳴安眠復徐引君胡爲此閣知已問

詹尹

大韻荅楊補見贈

倦鳥慕林藪羈人念鄉里中年哀樂多識字憂患始刺促復何爲歸秉田閒未書籜估生計鶴料算食指休日諒未晚拙政亦吾以息影依衡茅引竿向清泚君看懸屋車豈復慮生耳

其二

微雨簾帷寂凝塵几榻靜生面恍開卷熟客笑引鏡博奕爲猶賢飲酒安用聖且理幽憂疾遑恤膏肓病散髮謝束修毀車絕奔逆聊復學農

圃終當變名姓君能從我游帶月鋤可竝

次張藐姑韻送房海客赴南吏部

薄游只似在巖局窺戶何愁屢不停淮水月如
官况白冶城草竝客袍青物情或可饒井子藥
籠無多辨豨苓莫向半山論舊事謝公墩畔雨
冥冥

閏四月廿三日夢中作

柔桑覆籠綠毵毵密雨溫風正養蠶門外銜泥
春燕語櫻桃消息到江南

閭訟將結赴法司對簿口號三絕句

突兀沙堤棘寺傍
莫將鈴索笑銀鑺台階
今夜占星象先看垣前貫索光

其二

毀冠策蹇路人憐拂面青蠅互撲緣猶勝諸公
埋詔獄一生不得到西天

傷楊繆諸君子也

獄

其三

廿年史局歎虺墮蠹紙成箱筆作堆頭白汗青
成底事却將詩案繼西臺

次韻藐姑送別

紫陌青雲未可論紅牋夢入舊慈恩到家秋枕

聞蛩語別路春風記鳥言身隱却憐
明主棄道窮還仗古人尊祝君努力匡時略安穩東吳
老灌園

二鬢篇戲簡其肅梅中丞兼呈兵部王尚
書左坊文中尤

先朝昔煽亂婦寺據肘腋四海一應山奮羣相
抵格身糜若盧獄禍蔓葦笥藉自從楊鬢死士
氣久沈汨婦寺有遺種螟蠕禪鬼魄靈狸雌雄
并異物志云靈狸一體訓狐朋扇劇韓詩射訓
自爲陰陽故能媚人訓狐朋扇劇狐聚鬼徵
妖自馮城復依社夜出而晝匿冠蓋滿長安昨

指空歎惜在東畏蠛𧆸連蟠避雌霓矧彼叩頭
蟲向火乞餘炎堂堂髯司馬中樞屹柱石長身
出班行正氣噴交戟暨暨髯中丞輪囷肝膽赤
尺書來酒泉忠憤壯羽檄舉朝何嵒蛩低眉戴
巾帽賢哉此二髯庶不負頭額人生稟陰陽鬚
者陽之液髯多得陽剛其人亦岸客所以婦寺
流頤領如脯腊何用拔鬚眉天爲芟與柞我鬚
苦不修攬鏡頗不憚旣羨緣坡竹又愧春田麥

黃香責髯奴辭離離若綠
坡之竹鬱鬱若春田之苗猛欲施錐鑿穴竅自

穿刺馬尾非族類顛毛又狼藉旁人向我笑笑

我目論窄徒以鬟取人工羽恐貌失二鬟固絕倫
鬟奴還見責不見文宮相亦是無鬟客作詩寄中丞
捉筆笑啞啞遙知發函時掀鬟墮冠幘

牧齋初學集卷第七

牧齋初學集卷第八

崇禎詩集四

起己巳六月盡八月

出都門口占寄蕭伯玉

同日南遷客前期潞水楂不知蕭伯玉底事尚
京華赤日燒肌燼蒼蠅聒耳譁想君消受得猶
未苦思家

潞河別劉咸仲

廷諫

吏部

別緒鄉心浩莫分潞河風雨 帝城雲能寬放
棄惟良友未忘京華爲 聖君衰鬢數莖還去
國秋風一葉又離羣渭城歌罷休垂淚逐客頻

年實飽聞

潞河舟中夜坐荅茅止生見贈

浪湧波喧繁語聞燭花無焰夜初分奕棋國手
誰論我杯酒英雄敢竝君牛馬旋迷新漲水魚
龍還感舊噓雲他時重聽西窓雨記取孤舟潞
水濱

六月廿七日舟發潞河書事感懷寄中朝

諸君子凡四首

回首觚稜又夢中鳳城只在五雲東情懷黯黶
歸雅日踪跡差池去燕風天下安危兩司馬謂臨

邑吉水

二公

人閒出處一飛鴻素衣待放還三宿未

忍驅車泣路窮

其二

黃金臺下士縱橫側席何人副聖明紫閣虛傳
聞禁漏白麻遽欲下延英沙堤銀燭兒童羨火
齊金盤道路爭極目中條山色好隱居吾欲訪
陽城

其三

聖德軒圖可比倫明廷屈軼正嶙峋流傳諫紙
臺生色突兀班心國有人是日見公安毛侍御疏反舌春

殘休發口訓孤月自謀身憑君傳語昌黎叟
載筆無煩論爭臣

其四

信宿醉朝奏數行封題和淚進明光三家邨
裏人仍在一葉舟中意儘長老去惟應思帝
力窮來只合掉書囊熙朝不數貞元日敢效忠
州錄古方

中條行

己巳六月過滄州作

君不見中條山陽城昔日曾閉關白衣徵起作
諫議脫屨就職無慙顏月俸計口送酒媼諫紙

疊置空箱閒歌呼痛飲夜達旦醉臥客懷不聽
還貞元奸佞不可當白麻旦夕宣朝堂忠臣延
頸待誅僇宰相憫伏眠如羊中條山人起伏閣
延英門上飛風霜諫官叫天爭喧逐金吾萬歲
聲如雷延齡不相陸贊免奮臂坐使唐天回乃
知酌酌不言有深意務欲撥棄細碎爭崔嵬我
過中條山念君如宿昔君名長比條山雲君心
尚似條山石一代相知李鄴侯千年涕淚避賢
驛微之陽城驛詩我頌
避公諱名爲避賢郵思君不見可奈何酌君
一戇歌主客君不見長安暮局日紛紛著眼爭

如局外人若無衡獄爐邊客誰向中條訪隱淪
城隱滄洲之中條山李泌爲相舉焉諫議大夫非鄭侯不能知道州鄭侯之舉偉矣

鼈蟲

僦舍都門外湫隘類鼠穴土炕櫛前檻瓴甃累
後闔炎歊氣彌蒸溝澗惡不渫凡百蟲與豸因
依作巢窟有蟲蟻蟲類厥狀肖惟鼈形圓脊微
穹席介儼環列多足巧於緣利嘴銳如鐵伏匿
床第閒夢囁伺悅忽襲肌陷針芒噉血恣剝剝
攢嘬方如錐墳起已成凸不禁膚爬搔猛欲手
捽搣倏若捷疾鬼驚走在一瞥都無翼撲緣不

聞聲慙脣近或匿枕衾遠或走柄糲明或潛帷
幔隱或據衣衿遶床何處搜拂簷誰能敝兒童
偶批摑經時臭不歇未足快俘獲徒然滋嘔噦
我坐環堵室屏居謝朝謁方當病幽憂又復遭
蟄齧睡少不耐嗜皮枯豈堪蠻逝將謁上帝精
誠訴饕餮綠章方夜奏天門還晝閉巫陽顧我
笑子亦太薄劣胡然扣闇闔除此小蟲孽歸來
焚奏章束裝途南發從容理席薦瀟灑振巾韞
揮手謝鼈蟲且與爾曹別如何韓退之得官喜
見蟻

滄酒歌懷稼軒給事兼呈孟陽

君初別我新拆柳歸帆約載長盧酒今我南還
又早秋也沽滄酒下滄洲輕舟一葉三千里長
瓶短甕壓兩頭與君去國如去燕一水差池不
相見滄洲蘆花如雪披滄水東流無盡期滄州
好酒瀉醕白炤見行人鬚上絲東臯秋清月舒
彩西湖採蓮歌欸乃期君開懷酌滄酒醉拉程
生戲墨海

七夕四絕句

月帳星橋雲髻鬟經年怨別淚潛潛憑君莫道

天河閒只在盈盈一水閒

其二

虛將黼黻擅朱顏咫尺星河斷往還但使牽牛
能伏軛更將餘巧乞人閒

其三

雲堦索莫暫經過素手依然弄玉梭賴有七襄
機度日不然其奈九秋何

其四

牽牛求配苦蹉跎織女機絲思巧多烏鵲可憐
無一事頭童尾禿爲填河屬章給諫房侍御諸公爲余牽連謫官者

過臨清追昔游有作二首

丁字簾幙不下釣疎疎微霰點紅樓明粧促坐
生春色畫燭嬌歌蕩旅愁油壁小車爭自至紅
牋名紙妬他收而今只有垂楊在禿盡枝條撩
白頭

其二

倦游還憶壯游人蓆帽瓊車二十春醉捲白波
輕酒敵笑拈紅袖比花神芳顏老去爲商婦旅
鬢窮歸有角巾爲問長干新樂府壁閒誰與拂
埃塵

初稿云長干

中桂閣歌樓休借問玉顛約略已成塵

樂府傳商調短髮風流刺角

王顛約略已成塵

長干行

附錄

萬曆己酉十月偕計吏過臨清新安何周
無黨邀谷范兩名姬置酒勝流歛集燕賞
淋漓樂美人之目成惜雲英之未嫁醉後
作長干行題於北里谷氏之壁間凡二百
八十三字明日同席者傳寫其藁乃錄而
藏之篋中名士胡胤嘉沈守正胡潛皆屬
和焉

長干女兒爭妖餽秦淮一曲水亦嬌復道廻
郎暎佳麗六朝楊柳秦時潮美人如花活花

裏嬌憨那復知作使臨粧懶學文君眉當筵
解臂薛濤紙馬家楊家最有名但看一笑俱
傾城按拍何人嫌曲誤留憐若箇便粧成江
南是處矜花草渡江但說臨清好燕趙佳人
真擅場摧殘苦向風塵老賈胡多錢儉父臭
秦箒吳歛等閑奏小范空餘林下風谷生枉
自閨房秀拂袖低迴策蹇歸黥奴草具唱歌
時陌頭白汗薰香粉馬上黃沙與畫眉目成
不忍惜歌舞顧影那堪淚如雨江南小草花
不如江北名花暗如土人生遇合總悠悠此

夕相看黯欲愁眼底娉婷俱未嫁忍看溝水
東西流劔花崢嶸眉黛濕玉釵欲掛銀缸泣
促席行杯露未晞歌罷長干盡於邑君不見
馬家池館傾摧久長橋已坼祠郎手江南樂
事亦易闌經過且盡杯中酒

萬曆己未李三長衡下第南歸尹二孔昭
爲詩送之有云海畔逢錢大叮嚀莫作痴
念故人贈處之義每爲涕洟今年春長衡
又下世矣泣然有作書示兩家子弟

哀樂中年自不堪每嗟詩句重開函叮嚀苦語

還錢大收拾遺文到李三交友旋如頻剝筍身
名聊似半僵蠶一言贈處非容易囑累諸孤莫
漫談

舟行四首

南浦思勞勞陂塘秋漸高旅人逢古渡落葉下
亭臯世事悲紈扇機心笑桔槔潞河千折水極
目不容刀

其二

斷岸蘆抽白斜陽蓼褪紅舟行秋色裏人在水
聲中掠燕經殘雨吟蟬趣晚風陰蟲休切切已

是白頭翁

其三

頻年諳放逐盡室苦漂流蓬掩孤燈雨蟲吟一葉秋身堪充水手相合配軍頭一笑殘生事閑尊倚舵樓

其四

昔雨今還潤滄桑盡日移出雲山意懶經暑岸容衰噩夢驚蟬斷銷覓折柳知經過齊故國三宿亦濡遲

阻舟安山閘

北河水澁河流灣百步一曲如回環南河水流
閘滿地十里一閘閘畫閑牕門迥似天門高沙
衝石擊水怒號閘官如帝卒如鬼尋丈限隔喧
波濤闢河茫茫陵復谷瞿塘灔澦起平陸千挽
倒眠百榜停一葦安能恣馳逐就中有人殊灑
然朱黃自點秋水篇臥起船艙宛齋閣細聽閘
水疑礧泉舟行胡蹇車胡疾人生隨身只兩膝
長謠獨酌聊復爾坐久釣簾月東出

團扇篇

合歡團扇美人作輕雲如紈雪如素裁成顧兔

舒月波畫出乘鸞向天路美人容華傾六宮含
羞却扇嬌且慵自分團欒賽明月豈知搖動生
秋風碧天一夜秋如水炎涼盡在君懷裏不怨
秋風坐棄捐却愁明月長相似秋來明月正嬋
娟別殿長門是處懸從教妾扇經秋掩但願君
心竝月圓君心如月不可掇妾扇團團那忍割
可憐團扇無蔽虧不比清光有盈缺奉君清暑
爲君容莫道恩情中路空蛛絲蟲網頻垂淚還
感君恩在篋中

張子壽賦白羽扇云縱秋氣之移奪終感恩于篋中蓋公懼李

林甫之
讒而作

濟上逢總河李侍郎若星

侍郎與余竝遭逆
奄之難余以閣訟再謫執手慨嘆兼示嶺
南詩卷感今念往率爾成篇

執手俱爲未死人參差病鶴記城闕畏途趣我
歸田數殘夢從君度嶺頻往事僂僮驚背索新
詩瀧吏喜書紳臨分苦語應須勉領略風波要
此身

七月廿三日舟過仲家淺肺戲作長句書
李文正公詩卷後

成弘作者誰其選茶陵落筆成瑚璉先民大雅

存典刑後輩輕浮棄永雋我行篋貯麗堂詩今
日舟經仲家淺牕門崔嵬不似昔頑石半泐水
聲泣檣摧櫓倒儼號咷船月低昂想仰俛摹畫
景物詩有聲雄快壹似并刀剪公生遭逢休明
世不出國門步鼎鉉官壺法酒草詞頭玉堂大
字揮禁偏生平困踣此牕邊聊用作詩志小蹇
嗟我不辰逢百罹五年去國兩乘艤津吏面生
呵單行長年眼熟笑重趼關河鹿鹿舟作廬津
途涓涓水在顧百塲上水一下灘十度扣牕九
閒捷舟行過淺一嘆嗟酌酒蒼茫醉濟沈酒酣

伸紙繼公後詩成自笑筆力輕

暉吏

效韓文公
隴吏而作

南行逾三旬閒關渡濟水河乾暉如織暉吏數
呵止我舟似倦鳥塌翼次暉傍暉吏殊嵬峩稱
媿列前行傍行皆去聲讀問我何官職今去將何之恭
承暉吏訊捧手前致辭登朝多顧顧五載兩放
棄春明席未溫秋衾夢長憇單車出國門行行
歸東吳豈知遭梗塞扁舟委泥途暉吏莞爾笑
官言無乃頗官行良多梗梗不在暉河暉河官
雖早啓閉實所司上水及下灘一一各有宜官

船排鷺齒糧艘綴魚貫要津豈容據橫流詎能亂疾如離弦箭遲如上阪車天時與人力參錯如槎牙亦有一葦舟衝風便遠逝有力負而趨賢愚豈同滯人言仕宦海險絕比瞿塘小肺肺關河大肺肺朝堂關河尚自可朝堂愁殺我風波難揭厲關楗慣連瑣官今此水邊刺刺苦陁陁何似朝堂上一步度一肺官其少須臾安坐須肺閉捩柂會有時無爲苦喧逐叩頭謝肺吏天遣吏教儂譬言如伸隻手推我魘夢中身如黃楊木節節厄閏年我命有節度不獨世逆遭團

團推磨牛總在陳跡內過牕且勿忻遇牕且勿
憤游魚脫釣釣不復口喟嘆高眠到曉漏蓬底
月豔豔

舟發泇溝

舟子招招發櫂歌新秋佳日似清和浪花聚處
團雲影菶葉開時剪水波掠燕當風成曲折驚
魚沒藻起盤渦濯纓自與清淮約不用臨流嘆
濁河

臥起

臥起蕭然雲水鄉閒看日蔭弄朱黃窓楞白紙

紫香篆簾影清流瀲硯光木葉波還生近渚漁
歌風欲起斜陽不須更作滄江夢淺水蘆花興
已長

阻風滿家灣

弱纜難爭萬里程黃河東岸一舟橫潮來陣馬
如分勢風急檣鳥自作聲柳市三家成小聚桃
源數里得虛名欹竿側柂非吾事坐看千帆盡
日行

題淮陰侯廟

淮水城南寄食徒真王大將在斯須豈知隆準

如長頸終見鷹揚死雉姍落日井陘旗尚赤春

風鍾室草嘗朱東西塚墓今安在好爲英雄奠

一孟

信母墓爲東塚
漂母墓爲西塚

過淮上二絕句

漂母祠堂落炤邊城南垂釣故依然君看市上
紛紛者何限淮陰舊少年

其二

鳥盡弓藏事惘然英雄終不受人憐生平跨下
能蒲伏只是羞隨噲等肩

後飲酒七首

停橈買滄酒但說孫家好酒
嫗爲我言君來苦不早今年酒倍售
酒庫已如掃但餘六長餅味甘色復縹
儲以嫁嬌女買羊會鄰保不惜持贈君
君無苦相瞶塗潦泥活活僮僕手持抱鄭重
貯船艙暴富似得寶明燈吐新花夜雨響秋草
君如不快飲負此酒家嫗

其二

攤書晝日臥流觀范曄史可憐齊武王大業困
蟲螻赭汗擁牧兒刮席奉更始終令田舍翁應
符作天子達哉蜀婦言朝聞可夕死載尋黨錮

傳談虎欲擊齒杵臼貯心胷撞春自觸抵呼兒
浮大白爲我澆塊壘飲酣發酒悲泣下露泥泥
上爲劉伯升下爲李元禮

其三

驅車出春明辨嚴不宿昔故人憐我去追餞城
東陌烏帽去已遠白雨泥盈尺登高共凝望癡
坐到日夕我行感離羣聞此長嘆息孤舟雨濛
濛落葉風策策因知故人心念我獨行役一杯
代酬勸亦復進脯腊心口相勞苦手腕互主客
願因西北風寄聲故人側酌酒如見君無爲苦

相憶

其四

春風來優柔取次土膏脈鳥轉花草冰澌水
拍拍秋風颯以緊搖落在片時雨下洞庭葉已
折庭樹枝春風類膏澤著物光融融能增綠鬢
綠轉使紅顏紅秋風多慘悽中人如疚疚薄寒
膚疹粟增戲體伸欠我本悲秋士又作秋風客
蕭然命尊酒慰此風雨夕一酌解煩醒再酌生
芳菲三酌景風至熏然襲裳衣大哉造化力四
時遞平分至哉醇酒德斟酌回陽春

其五

孤生踐駭機薄命輕秋豪天地爲洪爐燎此一
牛毛流言浮巨石積毀銷脂膏自分老頭顱宛
匏寄歐刀介恃聖明主奉身歸蓬蒿自茲保
兩手安穩持霜螯何以明君恩瓦盆傾濁醪
一斟又一酌載詠康衢謠

其六

清辰開酒罌有物如凝脂團團相糾結輪囷復
葳蕤炤眼截如肪觸手滑如砥嫩如小兒掌甘
如妃女飴馨香撩鼻舌三嗅涎流匙罌頸僅容

指膏乳非人爲浮蟻不足言無乃真肉芝或云
酒之精汎盍脫糟醕醕釀金玉漿氤氳結蜃甄
服之爲列仙匪獨可療饑事雖不經見此理誠
有之酌酒自慶喜醉倒成鳩夷

其七

我飲非大戶頗自嫌甜酒雖無滿座客亦能致
好友不招惡客來一任窮賓走當歌每分夜醉
花自宜畫厭厭復陶陶意不在五斗渴飲劇卷
波叫呶沸招手醉在木杪坐吐向車茵嘔譬如
登徒子可謂好色不我欲定酒律訊彼醉鄉叟

此叟方茗芋頹然指吾口

八月初二日渡淮

秋老長淮草尚青孤裝搖曳一浮萍關心舊雨還今雨回首長亭復短亭泛檝宛如窮估客懸車卽是老明經到家慈母應相慰白髮新添又幾星

淮屋記淮安太守許同生作淮屋之事也淮人作蘆屋縛蘆爲桷椽甎甌塗壁樽櫨無刻鐫結構樸而雅庀治廉且便許君守淮陰但飲淮上泉歸來結淮屋亭午猶醉眠人言蘆爲

屋嘗恐火誤延建章三月火豈亦蘆使然又云
不耐久風雨易漏穿此屋如傳舍次公豈非賢
竹樓安在哉其名至今傳

露筋廟

露筋夫人明且賢周南三復行露篇血肉朽腐
任啖昨冰心玉骨終皎然炎風火雲滿天地長
夜漫漫何處避貞女能將軀命輕飛蟲自得齒
牙利君不見花鷹宿鴨動成羣暮柏朝驅愁殺
君高郵湖水通平望東有吳興豹脚蚊

高郵道中簡顧所建

水蓼風荷一片秋竹西歌吹近楊州瓊花何處
尋殘夢明月還應記昔游負未我今歸谷口驚
弓君莫問壺頭試從甓社湖邊看可有明珠引
釣舟

牧齋初學集卷第九

崇禎詩集五

起己巳八月盡四年辛未

己巳八月待放歸田感懷述事奉寄南都
諸君子四首

留都文物漢西京虎踞龍蟠集俊英 高廟神
靈嘗陟降中朝佞倖敢縱橫瑣闈月白鍾山曉
烏府霜寒淮水清望盡浮雲天北極長安應見
泰階平

其二

舊京清議仗羣公驛騎橫飛諫紙風拜表日行

黃道裏焚香心在綠章中唐麻感激排狐鼠漢
黨分明辨鷄鴻主聖時清還努力孝陵佳
氣正葱葱

其三

三老衣冠在白門清朝麟鳳尚郊原積薪國有
優賢意碩果天遺舊德存安石流風傳賭墅半
山陳跡說爭墩金陵歷歷前朝事退食還應一
笑論三老謂司農鄭公三俊大憲陳公于廷大司理徐公良彥也

其四

白浪橫流捲濶河餘生剛比一毛多羣公正議

排闥闔 聖主深仁解網羅
小圃春陰閒汲甕
孤舟野水老漁蓑
輪困尚有心期在
獨倚樵風寄浩歌

反東坡洗兒詩己巳九月九日

坡公養子怕聰明
我爲痴獃誤一生
還願生兒
猿且巧鑽天
暮地到公卿

宋比玉過訪虞山將別以六絕句爲贈
落葉蕭蕭響徑莎
兒童却掃遲相過
看君漫滅懷中刺
恰稱閒門有雀羅

其二

突兀長篇賦荔支主文謫諫起人思歌樓酒壁
從揮灑且莫流傳諷諭詩

北王賦荔支長篇有樂天諷諭之遺

其三

五斗酒應饒下物八分書足張去吾軍疎窓小
閣初冬夜月落歌殘可少君

其四

吾谷丹黃似夢中經過每欲吊西風詩朋禪侶
凋殘後也似霜林幾樹楓

其五

膠水休爲長鍊歌州民地主遲君多南翔便是

西州路匣硯囊琴忍再過

南翔李長衡所居

其六

茸城寒月正如規列星徵歌鬪十眉寄語主人
應醉客莫嫌宋玉有微詞

比王將行次前韻留別再和六首

幾樹梧桐一徑莎君行剝喙少人過衡門兩版
堅如鐵不用門前更設羅

其二

陳紫姚黃品荔支謫官風味正堪思對君畫筆
流涎劇况味梁溪斷送詩

李忠定

謫沙陽

有畫

荔枝詩以陳紫比姚

黃又詩云不知誰是善知識斷送歸來食荔支
比王畫荔支懸余小閣中見之者以爲可旋摘
也

其三

三杯自可觀觴政一日那能廢酒軍莫道醉鄉
無史牒酒家南董定推君比王方修酒志

其四

十載清游在眼中霜林共惜小春風白頭伴侶
三人在約略心期愛晚楓孟陽楓林遲比王詩云前期尚有遲來客
莫發小春花信風去今十三年同游李長蘅曾等愁皆沒

其五

手自鳴琴客善歌淋漓潑墨酒邊多瑣花珠月
如相待便似當年老鐵過

其六

畫船携得硯如規會向春紅伴畫眉珍重朝來
遠山色小鸞休咏白頭詞比王載宋硯甚富小鸞比王妾也

比王許再和前韻長至日蚤起復書此趣

之

斗柄瞻相手自莎

經典釋文頗潤猶接莎也

人閒屈曲偶經

過笑君尚護仙人短顧我依然口縷羅比王書來嘆余屏廢

故云

其二

踏遍炎荒喫荔支輕紅旋摘也堪思
梁溪詩云
自提
擣
不如且對臘脂畫棐几湘簾賦小詩

其三

落魄風流迥不羣酒場騷壘自能軍微詞若道
無人解何事登徒也識君

其四

吳儂難得到閨中想象生香是捉風脫略味香
單說色判他紅荔似丹楓

其五

茸城聽遍後庭歌還憶梅花拂水多一樹莓苔
數枝雪凌寒著藥待君過

其六

北嶺參差露半規西山重疊隱修眉登樓何限
思君意簾閣焚香讀楚詞

次韻何慈公歲暮感事四首

薊北兵塵逼暮冬菰蘆愁殺老吳儂
龜剗但爲知人事蟻鬪誰能壯國容
拔宅升天還有路乘桴入海欲何從
殘生顧影真堪笑好笑非關學

士龍

其二

梅信差池鶴夢寒。傍簷聊喜鵲聲乾。
途窮白髮猶難放。身老陰符已不看。
南海騎麟真漫浪。東門逐兔枉悲哀。
酸齏鹽且喫。殘年飯兩耳。那堪著箭瘢。

用南唐王與事

其三

空堂莞桔正幽幽。

詩空堂幽幽有桔有莞

高枕慙非抱膝

流老去童心還似少。春來蓬戶只如秋硯漸凍。
合愁南牧鋤酒香濃念北郵。寒瘃頗思鼈手藥。
百金安敢覬封侯。

其四

風雨漂搖不可當清虛宮裏日差長
鬪碁小試行軍法撒豆頻誇却敵方
閒逐鄧林搜棄杖戲禁滄海學栽桑
險竿兒女西涼伎贏得先生一哄堂

野老

野老心終恨虜驕扶藜咄咄步中宵卽看露布
來京國無那雲林遠市朝篷卜頻煩欣竹算鏡
聽瑟縮畏詩妖輶耕今日欣相告嵩祝仍趨誕
聖朝

讀史

班史才繙又短長閑鑽故紙費商量死人豈必無生術今病何曾乏古方種漆樊侯知備豫解絃董子會更張空齋白日聊成夢一笑依然看屋梁

庚午二月憨山大師全身入五乳塔院屬其徒以辦香致弔奉述長句四首

隣山如乳五峯垂一塔巋然掩導師面壁朝來仍入定藏舟夜半已潛移影堂落月明燈在刻漏穿花響梵遲莫問阿師聲後向臥龍岡水繞

皆墀

師臨終不作偈有學人妄添蛇足故云

其二

如王氣宇更誰先
蹴踏平欺龍象筵
斷取陶輪憑手掌
破除彌戾等雲煙
空山月炤苔龕裏
春日鶯啼石塔前
猶有六時喧瀑布
諸方驚倒野狐禪

其三

龜毛兔角不須疑
千偈闡翻信口爲
支遁何妨
通義學遠公原是老經師
周續之與雷次宗同受遠法師詩義見詩疏
冰山瘴海埋身處
木索冠巾說法時
讀罷

豐碑度林樾香爐峯頂月如規

其四

猶憶擎舟夜別師胥江水落月斜時草堂未踐
青山約蓮社空餘白首期坐斷風雷成小劫夢
回甲子看殘葵傷心誰繼蕭夫子謂宗伯宣化公也爲

斷曹溪第一碑

贈廬山知微長老

大師昔陷若廬獄長老一身視餧粥大師今埋
五乳峯長老六時司鼓鐘死生形影不相捨長
老爲雲師爲龍大師石塔何崔嵬影堂正向廬

山開焚香掃地坐復臥臥聽瀑布如崩雷塔裏
明燈嘗不動塔前青松手所種若問長老年幾
何長老身心盡如夢

瓜山沈老居北郊茂瓜丘老而好事賦以贈之

巾歲白氈杖紅藤丙舍青山近可登叢桂秋風
生北郭種瓜朝日曜東陵繁華眼底看巢燕雙
鑠眉端想臂鷹老去光明須記取祝君嘗比佛
前燈沈老人深目高顴里人有

戲爲拂水築臺歌贈嘉定夏生華甫

拂水山高屋廩下况復蒙茸隔林莽牆外青山
自矗立招邀未肯入庭戶徙倚觀山意未愜何
繇收攬得十五今年疊石爲此臺面勢軒敞恣
所取向背數步藏曲折位置羣山就仰俯劖門
闔扇手可排石城雉堞指能數此山與我非生
客欣然故人覲眉宇蜿蜒似可下枕席傲兀頗
欲分笑語登臺四顧咸歎息問誰築者夏華甫
夏生豁達俠者流酒後槎牙出肺腑爲山一簣
雖細事如登將臺握齊斧山珉蚩蚩園丁策轉
圓鬪筍類搏土刻漏立表各命工能驅市人束

部伍輿譁聲闌畚築罷獨提巨石手撐柱不煩執株爭用命日旰奮迅逾亭午又如大將督戰陳身先士卒共甘苦人言夏生築臺好生也俯躬但偃僂指麾幸有松圓老敢貪天功僭旛鼓此意逡遁人豈知說禮惇詩聞自古君不見東方鍬奴蹣畿輔去年血濺蘆溝橋今年塵暗平漢土朝廷將吏盡賈豎天子拊髀思文武夏生夏生吾惜汝投石馭衆氣如虎何不置之尊永閑付以長繩縛騎虜

夏日偕朱子暇憇耦耕堂次子暇訪孟陽

韻三首

回湖軒敞背山深小築依然是故林清簾看碁

方丈客

等慈師居山中縛禪之暇觀碁至夜分
孟陽詩云影堂月落泉鳴咽無復疎簾

碁看奕

夜燈聽雨十年心遺民老似孤花在陳跡

閑隨舊燕尋擬著此中棲逸史遠從虞仲到於

今

其二

艱危閱盡想方袍收拾殘生避豕豪一酌春醪
營我老子章夏木爲君高圖山墨漫西湖雨煮
水茶生北磽濤稍待秋風到蘆荻共尋蟹舍上

魚舠

其三

澹景芳陰梅雨時
過雲相訪少人知
紅稀舊圃羣蜂去
青暗重林碩果垂
澗底流泉穿石急
松間明月出林遲
他年終作三休侶
乘興先爲結隱期

干將行

庚午五月十三日
傳臨邑司馬而作

君不見莫耶之劒
缺忝朱姑蘇梧桐
臥流水莫耶舊恨
今已矣又見干將
死獄底干將鑄時光
屬天百神下降蛟龍
纏鬼怪相戒匿形影
攬槍

不敢爭妖驪可憐劔氣一朝盡黑獄沉沉埋血
燐牛斗變化知何日貫索光芒竟誰問君不見
延津龍去有餘悲還憶吳宮麋鹿時無復湛盧
誅宰嚭爭傳屬鏤賜靈胥

贈張五叔維

幾枝檉柳半床塵門外青山過雨新送米僧來
嘗共食乞花客至已忘貧屋如韓愈詩中句韓詩
破屋數間而已矣身是王維畫裏人一曲洞簫判盡醉

桐華滿地月如銀

崇禎庚午中秋日拜觀睢陽五老圖敬次

杜正獻公原韻

鬚眉巾屨盡高閑瞻拜修然整敝冠舊德至今傳五老豐碑何用視三桓拔茅事往風猶在舉網謀成骨已寒嘆息昭陵還盛世儀刑長向畫圖看

八月十二夜

憑闌風露浩難收旋覺清光在上頭橫攬煙巒成小築平臨雲物見高秋時秋水閣初成與孟陽綠拂登眺穿窈窕山皆漏湖逗空明野欲流尊酒相看多遠思蘆花如雪記滄州余去年過滄州有懷孟陽詩

十三夜

石城雲散暮煙收冉冉清光兩白頭坐久湖山
皆得月望窮天宇始知秋浴鷗汀渚層層出沒
鶴溪田滌滌流盃酒勸君成一笑長缾那得更

滄州

十四夜留吳門下潤甫

傍嶺新成駐月樓客來恰喜值中秋苦多風雨
催君去借少湖山爲我留滄酒淡堪澆小戶漁
灣淺可繫扁舟劫灰金虎繁華夢莫對佳晨憶

二丘

十五夜不見月

兔遠蟾高不用愁浮雲只在屋東頭雖虛灑灑
金尊焰却掩蕭蕭白髮羞栖鶴毳耗思北嶺啼
螢清切近南樓更闌且對殘燈臥領略孤衾一
段秋

十七日雨中小酌卽事

稻花風急浪花催湖外重陰積不開好客恰如
將雨至清歌直欲送愁來雲霾月窟千層合日
射山根一颺迴摹罷燈殘北窓下秋蟲多處重
徘徊

嘉定李茂初風雪中自南翔過訪不值而去留詩盈帙頃復枉和初夏次韻詩見懷遂依韻奉答首章傷長衡之逝而末章則期茂初之來茂初長衡之兄也

膠水池塘草又深檀園園柳蔚成林新桐但引清晨恨長衡擅圍引新桐爲亭名之曰晨露落葉空驚獨夜心佳句見君還髣髴懽悰除夢可追尋劇憐一掬南翔淚兩度西風忍到今

其二

百里嚴風刮敝袍吟髭凍合想抽豪論交自爲

冰霜苦煉句偏於寒餓高滄海我真愁湏洞菰
蘆君亦嘆波濤斜風細雨松江路蓑笠何因共
小舶

其三

蕭閒山館晚秋時風物還堪報子知楓葉三分
霜點染荷衣十字雨低垂縣流澗合泉來早傍
嶺樓成月去遲相訪不須愁剝啄應門雙鶴有
前期

眼鏡篇送張七異度北上公車

西洋眼鏡規璧圓玻璃爲質象紺緣千年老冰

出玉淵巧匠消冶施刻鐫薄如方空吹輕煙瑩
如月魄濯清泉惟燈簾閣對簡編能使老眼回
少年蠅頭薑尾如兒拳耄風豈必非輪懸賈胡
贈比黃金千伴我綸閣今歸田短檠曲几相周
旋無復椽燭輝金蓮免園敝冊齋且穿礫碎離
勘蟲魚篇此鏡失職吾所憐摩娑三嘆夜不眠
張尤偕計北上燕東芻蓬絲當贈鞭脩以此物
非棄捐如構美女詒朱鉛萬蟻戰酣晝日殷五
星明聚夜緯聯春蠶食葉秋毛旋此鏡燿燿開
蓋纏目光如炬筆如椽六丁下取奎避躔春王

三月花嬪娟紗燈玉斧聽臚傳萬言長策貢細
旛閣老次讀當御筵君家金鏡此其先天地章
光宜節宣有鏡覆目光乃全惟皇聰明曜八埏
冕旒蔽明垂邃延知白守黑通重玄眼有瘴膜
得鏡蠲如燈能炤日月偏竝觀兼聽無愚賢不
見煉石能補天老農潦倒牛背邊負日欲獻無
因緣長歌此詩風謠然願君採進重瞳前

同徑山僧出郊看紅葉

烘日蒸霞萬樹堆石城應作赤城猜駐顏青女
能相待試手天公又一廻斜炤樓臺疑罨畫晚

風蝶誤遲回老僧住近臨安路錯認漫山錦繡來

十月十七日偕孟陽茂初步至寶嚴灣楓林爛然因尋故人瞿元初墓徙倚寺前石橋作短歌記之

谷林之西石城東竊紅殷紅燒去秋空誰知寶

嚴灣更好四山合沓藏千楓呀然一徑通窈窕流丹絢赤相映蒙護惜霜風起屏嶂包裹錦繡圍房櫳我來步蹀如相引炤眼灼爍驚芳叢忽如漁郎造花徑緣溪臂見花茸茸又如天台山

墮匝好女離立矜春容煙林向背亂朱碧日景
穿漏皆玲瓏背日丹楓畫不出坐臥彌覺此語
工道旁宿草故人墓黃土正掩紅葉中追憶生
平腹痛語安得盃酒澆蒿蓬人言此墳古塔址
指點丘垤看龍從白楊蕭蕭響空谷長似鈴鐸
悲回風沉吟感歎古寺側斜陽猶炤一畝宮寺
門寒水石橋下恰有一葉流殘紅

次日自拂水步至吾谷登南巖憩維摩寺
金粟堂飯後下破山過高僧墓與孟陽尋
等慈和尚葬處薄暮而返卽事爲詩語不

倫次

意行曳杖隨所騁遙林紅葉紛相請信步谷林
凌坡陀矯首維摩限煙嶺惠不在天行卽到一
笑欣然發勇猛追趨樵子穿峯確提掇裳衣避

柴梗携手反平西僮奴喘失脚恐踏後人頂石
徑登登磐石出岫轉峯迴在俄傾老僧導我游

南巖巖踞山巔儼項領突兀盤杆列兩湖滅沒
煙塵生萬井灌木森如百頃禾俯視楓林背日
景丹丘錦城斯在下紛紅駭綠誰能整恍然生
身色界上累蘇積塊何足省虛堂像設禮金粟

空山精怪見銀杏淨名無言我亦默饑來且瞰
蔓青餅辟塵試辨古石鉢揀芽約致新土茗齋
鐘撞罷尋破山松風颸颸四山靜笑揮箇輿却
竹杖判將老足試頑礦高僧墳畔僧族葬空心
潭下無潭影空門何用悲宿草吾友多情淚如
綆今年冬暄霜未濃丹楓爛結丹砂永殘紅恰
似佳人老夕陽更愛晚粧靚閑身良友好風日
天其以此慰幽屏清游無緒心自縈歸塗雲物
彌烟炯揮手且與山僧別多謝維摩老木瘦

題李長蘅爲吳生畫溪山秋靄圖

吳生遇盜事亦奇
襍被囊琴暮雨時
向盜乞畫真癡絕
盜亦欣然還擲之
此畫經營良不苟
老樹槎牙怪石走
豪奪巧取或可慮
豈意魯弓還盜手
今年逢君書畫船
收藏欲厭宣味編
玩竟日頭目運更撫
此卷心茫然水墨淋漓如欲語
眼中斯人定何許
畫裏還看漠漠雲燈前
自聽瀟瀟雨詩腸淚眼半焦枯
短歌幅塞堪盧胡
憑君更屬松圓老爲寫江干乞畫圖

冬夜觀劇歌爲徐二爾從作

金鋪著霜月上檻
高堂綺席陳吳羹
撞鐘伐鼓

催嚴更促尊合坐飛兒觥蘭膏明燭凝銀燈缸
花夜笑春風生曜瑜蹴水光盈盈繡屏屈膝圍
小伶十三不足十一零金花繡領簇隊行行列
參差機體輕宛如魁壘登平城涉江采菱發新
聲紅牙檀板縱復橫絲肉交奮梁塵驚歌喉徐
引一線清江城素月流雛鶯歌闌曲罷呈妙戲
稚童當筵廣場沸安西師子金塗紫臂擲身倒投
不觸地尋撞上索巧相背須臾技盡腰鼓退西
涼假面復何在險竿兒女心猶憐滿堂觀者爭
愕眙人生百年一戲箇郭郎鮑老多顛悴今夕

何夕良宴會主人携酒坐客位秉燭歡娛笑惜
費舞衣却卷光綵絰歌場尚圓聲搖曳眼花耳
熱各放意客歌未晞主旣醉

徐于王挽詞二首

夢雨庵中幾夜分綠尊絳蠟共知聞海棠小院
春深雨楊柳新詞日暮雲貧病不愁添白髮彌
留猶悵別紅裙與君花下多游跡但遇花時便
哭君

其二

箱篋蕭然屏當時爲君閒理舊蛛絲蟲魚想像

旁行字香粉凋殘豔體詩廢圃蜻蜓栖菜甲空
廊蝙蝠撲花枝秋來無限傷心處鄰笛斜陽又
一吹

贈新安汪景謨

汪精於鹽筴時僑居廣陵

十里紅樓映好春朱顏綠髮紫綸巾少年曾儗
龍頭客此日真成鶴背人后土祠前花似玉軒
轅鼎裏永爲銀竹西歌吹重城月爛醉從他淮
海塵

其二

閱盡滄桑鬚未華悠悠人世幾蟲沙漫時尚貯

桓寬論爲國空餘小式家方朔舊聽金馬詔陶
朱終泛五湖槎迎仙樓畔多仙侶進酒應將棗
似瓜

庚午除夕次孟陽山中詩韻

除夜蕭條風雨晨庭萱侵雪旋生春爆殘竹似
蕉園稿時神廟實錄告成故事實錄成焚稿於太液池之蕉園符換桃仍
草戶神不用署門辭過客也須謝竈請比鄰山
中喜有林逋在自與梅花作主人

辛未元日次除夕韻

流年赴壑值斯晨歷落艱危五十春已與昌黎

同命主更推渤海作詩神謂唐達夫也移山莫問河
濱叟卜宅還招栗里鄰拜罷北堂無一事商量
蠟屐伴高人

新歲有感次前韻二首

頌椒銘栢競芳晨只有寒門怕放春世少窮交
休著論宵多悞夢不驚神履霜往往悲中野乞
火紛紛媿比鄰數樹江梅將破萼未知索笑向
何人

其二

焚香散帙坐清晨澁雨慳風妬早春依社憑叢

原是鬼牽絲刻木總爲神漢臣未可營居第齊
國還須卜市鄰取晏子近市貴賤之說聞道公車徵射策
少年誰似雒陽人

人日書事示李一孟芳用前韻

澹蕩風懷佳麗晨商量何法破新春築臺未許
逃文債作廟還應祀酒神人日梅花多喜氣草
堂南北有芳鄰與君便是仙源客莫漫招他問
路人

言樹堂詩爲金壇于季鑾作

高門何將將蘭錡臨通衢北堂高且靜網戶綴

綺疏夾窓夏爽爽複突寒渠渠堂中何所有規
地施氍毹筵席肆莞簟賓祭登牢蔬堂背何所
樹萱花滿堦除四垂復六出葉跗相扶疎壽母
居此堂有子承歡娛壽觴一再舉慈顏與萱如
萱花非桃李不隨春華徂萱樹非松柏侵雪長
卷舒光風轉蘭蕙庭萱與之俱綠衣戲堂下翩
反遯相於子潔比白華朱萼被絳趺映帶萱草
色丹白紛蔽敷嘉名應宜男孫枝美且都芳蘭
茁其牙靈芝產坐隅我思潘安仁奉母賦閒居
珍木映池沼繁榮翳屋廬乾沒有明訓止足良

厚誣終然負阿母千載爲嘆吁豈若樹萱者色
養自有餘蠲憂屏其貧養性遂厥初小人亦有
母寸草心豈無爲君歌此詩紳帶還自書

感秋二首

辛未立秋日

扁舟約略洛河東去國孤身似斷蓬已是三年
成昨夢漫餘雙鬢待秋風燈前波浪中宵雨簾
外榮枯半樹桐自分無才方宋玉不將搖落怨
天公

其二

腸斷都門送別人三年懷裏字猶新朱厓夢入

真堪畏碧血藏來可化塵容鬢爲君添颯拉心
期愧我尚輪囷飄搖一葉知何處轉向秋風歎
此身

驛邑司馬沒於講室時復見夢故有李朱崖之感

送南刑部侯主事入賀冬至節覲省其尊

人太傅公兼奔長公之喪

清時貴戚總能文瓊萼瑤枝孰竝君覲省長安
元近日會朝夕至正書雲石城皓月懸鳩署易
水寒風掠鴈羣燕市停鞭倘相憶玉河落葉尚
紛紛

讀汪三遺民詩集

柳老鶯殘笑白顛長干遊跡尚依然閑尋舊句
如藏謎細讀新詩當紀年世事懵騰中酒後交
情約略看花前曉來頻嘵緣何事應爲衰遲綬
此編江詩多列貴游余亦附名其間故有此譜

戲題徐元歎所藏鍾伯敬茶訊詩卷

鍾生品詩如品茶龍團月片百不愛但愛幽香
餘澁留齒牙徐郎嗜茶又嗜鍾生詩微吟短咏
爬癢處恰是盧仝飲到搜腸破悶時鍾生逝矣
徐郎慟吟詩啜茶誰與共生平臭味阿堵中生
作茶郵死茶供今年徐郎示我茶訊篇兼携好

茗穀雨前坐聽松風沸石鼎手汲雲浪烹新泉
茶罷還枕石礎眠沉吟茶詩欲泣然高山流水
在何許但見風輕花落紫茶煙我不解茶又不
知詩一碗兩碗天池大安茗一首兩首黃金白
雪詞懵騰茗芋良足樂清吟韻事非所宜還君
此卷成一笑何異屠門大嚼眼飽胸中饑

星士陳叟生子

老蚌珠光炤海東東臯佳氣正籠葱莫嗔問字
爲遙集其母燕婢也故有遙集之譖且喜呼名是小同與其父年月皆同比鄭小人世但求庚癸足生年更要甲
同取義更切也

辰雄三奇六合人誰曉湯餅筵前問乃翁

送人之廣東

客衣初授省裝綿南食秋衾楓葉邊不是之官
持漢節何妨過嶺軟貪泉兵依黃木占烽戍吏
映紅蕉望海船驛路逢人還問我爲言霜鬢正
蕭然客先自嶺海回驛人多問余起居

戲題王德操小像四首

在家真可著袈裟七尺枯藤兩碗茶還有閒情
難忘却虎丘明月馬塍花

其二

靜夜然燈響木魚清晨鉢拂赴精廬眉閒黃氣

緣何事新得蕭壤

一紙書

德操長齋入道與草

人有世外之契

喜見眉宇人望而即之

每得草衣手跡龍置袖中

中

其三

也是詩人是道人等閒風月闌身虎丘燒了
王微嫁更覺枯禪氣味真

其四

龐公靈招機相似通德伶玄意若何却怪畫師
非石恪不將天女伴維摩

辛未除夕

除夜柴門獨放閑
新愁舊夢總相關
半生心事寒燈裏
數載交游宿草間
懶聽比鄰喧爆竹
笑看童稚撞冰山
春風一櫂滄浪曲
應占漁莊第幾灣